



Broj: 05/1-50-14-51-20/11  
Sarajevo, 14.10.2011.

Na osnovu člana 3. Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08) u vezi s članom 7. stav 3. Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05 i 49/09) i članom 59. Zakona o policijskim službenicima Bosne i Hercegovine ("Službeni glasnik BiH", br. 27/04, 63/04, 5/06, 33/06, 58/06, 15/08, 63/08 i 35/09), čl. 8. i 11. Poslovnika o radu Nezavisnog odbora kao nezavisnog tijela policijske strukture Bosne i Hercegovine ("Službeni glasnik BiH", broj 93/09), čl. 2., 3. i 4. Odluke o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine broj 03-34-6-36/10 od 5.1.2010. i Odluke o raspisivanju Javnog konkursa za provođenje procedure odabira kandidata za direktora Državne agencije za istrage i zaštitu broj 05/1-50-14-51-18/11, od 5.9.2011., Nezavisni odbor Parlamentarne skupštine Bosne i Hercegovine kao nezavisno tijelo policijske strukture Bosne i Hercegovine raspisuje

## JAVNI KONKURS

### ZA PROVOĐENJE PROCEDURE ODABIRA KANDIDATA ZA IZBOR DIREKTORA DRŽAVNE AGENCIJE ZA ISTRAGE I ZAŠTITU

#### Radno mjesto:

#### 1. Direktor Državne agencije za istrage i zaštitu.

Broj izvršilaca: 1 (jedan)

#### Opis poslova:

**Direktor Državne agencije za istrage i zaštitu** predstavlja Državnu agenciju za istrage i zaštitu (u daljnjem tekstu: SIPA), izrađuje godišnji plan rada prema smjernicama predsjedavajućeg Vijeća ministara BiH, te godišnji budžet SIPA-e i predlaže ih ministru sigurnosti BiH, koji ih prosljeđuje Vijeću ministara BiH; rukovodi i usmjerava obavljanje poslova iz nadležnosti SIPA-e; osigurava pravilno izvršavanje smjernica i naloga tužioca o radnjama policijskih službenika u vezi s krivičnim postupkom; osigurava saradnju s organima za provođenje zakona te ostalim odgovarajućim tijelima u BiH; osigurava saradnju s organima za provođenje zakona i ostalim nadležnim službama stranih država, kao i provođenje ostalih međunarodnih sporazuma o policijskoj saradnji i drugih međunarodnih instrumenata iz nadležnosti SIPA-e; uz saglasnost Vijeća ministara BiH, donosi pravilnike kao i druge propise predviđene zakonom, koji su potrebni radi obavljanja poslova iz nadležnosti SIPA-e; raspoređuje dužnosti pomoćnicima direktora, načelnicima i ostalim

rukovodiocima osnovnih organizacionih jedinica u skladu sa zakonom, pravilnikom i drugim propisima; donosi odluke o zapošljavanju, raspoređivanju i prestanku rada zaposlenih u SIPA-i u skladu s odgovarajućim zakonima i propisima; provodi aktivnosti za nabavku oružja i municije u saradnji s Agencijom za policijsku podršku, a uz saglasnost ministra sigurnosti BiH; provodi aktivnosti u vezi s programima obuke i stručnog usavršavanja zaposlenih u SIPA-i, a shodno Zakonu o Direkciji za koordinaciju policijskih tijela i o agencijama za podršku policijskoj strukturi BiH i Zakonu o policijskim službenicima BiH; podnosi godišnji izvještaj o radu i situaciji na područjima iz nadležnosti SIPA-e ministru sigurnosti BiH, koji ga prosljeđuje Vijeću ministara BiH te posebne izvještaje po potrebi ili na zahtjev ministra sigurnosti BiH; podnosi izvještaje Parlamentarnoj skupštini BiH, Vijeću ministara BiH i Predsjedništvu BiH, na njihov zahtjev.

### **Mandat:**

Direktor Državne agencije za istrage i zaštitu imenuje se na mandat od četiri godine.

### **Kandidati za direktora treba da ispunjavanju opće i posebne uslove.**

#### **Opći uslovi:**

- a) da je državljanin Bosne i Hercegovine;
- b) da je stariji od 18 godina;
- c) da je zdravstveno sposoban za obavljanje poslova na koje se prijavljuje;
- d) da protiv kandidata nije pokrenut krivični postupak, odnosno da nije osuđivan za krivično djelo osim krivičnih djela iz oblasti sigurnosti saobraćaja;
- e) da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije objavljivanja upražnjene pozicije;
- f) da nije obuhvaćen odredbom člana IX. stav 1. Ustava Bosne i Hercegovine.

#### **Posebni uslovi:**

- a) da je policijski službenik;
- b) da ima visoku stručnu spremu - najmanje VII. stepen;
- c) da posjeduje čin glavnog inspektora policije ili viši čin;
- d) da ima najmanje tri godine rada u činu glavnog inspektora policije ili u višem činu;
- e) da nije član političke stranke.

#### **Potrebni dokumenti:**

Kandidat je dužan dostaviti prijavu, kao i originalne ili od nadležnog organa ovjerene sljedeće dokumente:

1. Radnu biografiju,
2. Diplomu o završenom visokom obrazovanju - najmanje VII. stepena (nostrificiranu diplomu, ako fakultet nije završen u BiH ili je diploma stečena u nekoj drugoj državi nakon 6.4.1992.),
3. Ličnu kartu,
4. Uvjerenje o državljanstvu ne starije od šest mjeseci,
5. Ovjerenu izjavu da nije otpušten iz državne službe u institucijama BiH odnosno entiteta kao rezultat disciplinske mjere u periodu od tri godine prije dana podnošenja prijave za upražnjenu poziciju,
6. Ovjerenu izjavu da nije obuhvaćen odredbom člana IX. stav 1. Ustava BiH,
7. Ljekarsko uvjerenje o zdravstvenoj sposobnosti,
8. Ovjerenu izjavu da nije član bilo koje političke stranke,
9. Uvjerenje o radnom iskustvu,
10. Uvjerenje o nevođenju krivičnog postupka,
11. Dokaz da posjeduje čin glavnog inspektora ili viši čin u trajanju od tri godine i
12. Ovjerenu izjavu da je saglasan s vršenjem sigurnosnih provjera.

**Napomena: Za sve kandidate koji dostave urednu i blagovremenu prijavu, po službenoj dužnosti, bit će izvršene provjere da li je osuđivan za krivično djelo, sa izuzetkom krivičnih djela iz oblasti sigurnosti saobraćaja.**

Nepotpune i neblagovremene prijave neće biti razmatrane.

Tokom provođenja postupka odabira Nezavisni odbor Parlamentarne skupštine BiH kao nezavisno tijelo policijske strukture BiH razmotrit će prijave kandidata i s kandidatima koji ispunjavaju tražene uslove obaviti intervju. Po okončanju postupka odabira Nezavisni odbor dostavit će ministru sigurnosti BiH imena najviše pet kandidata za direktora Državne agencije za istrage i zaštitu.

Ovaj konkurs objavljuje se u "Službenom glasniku BiH", "Službenom glasniku Brčko Distrikta Bosne i Hercegovine", u dnevnim novinama: "Oslobođenje", "Glas Srpske" i "Dnevni list", kao i na veb-stranici Parlamentarne skupštine BiH.

Prijave na Javni konkurs s traženom dokumentacijom dostavljaju se preporučeno poštom, najkasnije 15 dana od dana objavljivanja u "Službenom glasniku BiH" na adresu:

**Parlamentarna skupština Bosne i Hercegovine - Nezavisni odbor,**

**Trg Bosne i Hercegovine br.1, 71 000 Sarajevo, s naznakom "prijava na konkurs - ne otvarati".**

Predsjednik

Žiko Krunić, s.r.

**NAPOMENA:** Javni konkurs za provođenje procedure odabira kandidata za izbor direktora Državne agencije za istrage i zaštitu **objavljen je 18.10.2011. u „Službenom glasniku BiH“ broj 83/11.**

Tekst Javnog konkursa će biti objavljen u „Dnevnom listu“, „Glasu Srpske“ i „Oslobođenju“ u četvrtak 20.10.2011., ali **rok za podnošenje prijave na konkurs je 15 dana od dana objave u „Službenom glasniku BiH“.**